

خَطِ اَوَّلِ پوُلُسِ بَلَدِه تيموتائوس

پيشگفتار

امی خط ره پوُلُس بَلَدِه تيموتائوس نوشته كده. تيموتائوس يگ ايماندار جوان از مردُم ولايتِ غلاتيه بُود كه غلاتيه دَ تَرَكِيه امروزي مَوْقِعِيت دَشت. آبه تيموتائوس يهُودى و آتِه شى غَيْرِ يهُودى بُود. تيموتائوس همكار و دوستِ پوُلُس بُود كه دَ سَفَرِ هَاى شى قَد ازو مورفت و دَ اِعلانِ كدونِ خوشخبرى دَ باره مَسِيحِ اُو ره كَوْمَك موكد. پوُلُس تيموتائوس ره بَلَدِه رهبرى جماعتِ هَاى ايماندارا تعيين كُد، بطورِ نَمُونِه بَلَدِه جماعتِ ايمانداراى شارِ اِفَسُس.

پوُلُس بَلَدِه تيموتائوس پيغامِ نوشته مونه تا اُو ره دَ خِدْمَتِ تشويقِ كنه و دَ باره عقيده هَاى غَلَطِي كه دَ مِينَكَلِ ايماندارا پيدا شُدِه اُو ره باخبر كُنه. يكي از عقيده هَاى غَلَطِ اِي بُود كه نِجَاتِ دَ وَسِيْلَه كَارَاى مِثَلِ نَخوردونِ بعضى خوراكِ هَا و توى نَكْدو دَ دِسْتِ مِييه. پوُلُس امچنان دَ باره اداره و عِبَادَتِ

جماعتِ ایماندارا و دَ بارِه تعین کدون رهبرا دَ جماعت ها
تیموتائوس ره راهنمایی مونه.

فهرستِ عنوان ها:

- سلام ها (فصل ۱ آیه ۱ - ۲)
اخطار دَ بارِه تعلیمای غَلَط (۱:۳)
لُطْفِ خُدا دَ سِرِ پوُلُس (۱۲:۱)
هِدایَتِ دَ بارِه دُعا و عِبادت (۱:۲)
اخلاقِ سرپرست و خِدمتگارِ جماعتِ ایماندارا (۱:۳)
پیشگویی دَ بارِه دُور شُدونِ مَرْدُم از خُدا (۱:۴)
نصیحتِ بَلَدِه خادِمِ خُوبِ مَولا مَسیح (۶:۴)
رفتار دَ مُقابِلِ اَفرادِ مُختَلِفِ دَ جماعتِ ایماندارا (۱:۵)
رفتارِ قَدِ بَزُرگایِ جماعت (۱۷:۵)
نصیحتِ دَ غُلَما و بادارِها (۱:۶)
نصیحتِ دَ بارِه تعلیمِ غَلَط و ثُرُوتِ حَقیقی (۲:۶)
نصیحتِ خاصِ پوُلُس بَلَدِه تیموتائوس (۱۳:۶)

سلام ها

۱ از طرفِ پوُلُس، یکی از رَسولایِ عیسیٰ مَسیح، دَ حُکمِ
خُدا نِجاتِ دِهِنْدِه مو و دَ اَمْرِ عیسیٰ مَسیح اُمیدِ اَزمو،^۲ بَلَدِه

تیموتائوس باچه حقیقی مه دَ وسیله ایمان: فیض، رحمت و سلامتی از جانب آتِه مو خُدا و مولای مو عیسیٰ مسیح نصیب تُو شنه.

أخطار دَ باره تعلیمای غلط

^۳ وختیکه سون ولایتِ مقدونیه ربی شُدُم، ما دز تُو تاکید کدُم و آلی ام بطورِ جدی از تُو خاهش مُونُم که دَ شارِ اِفْسُس بُمنی تا دَ بعضی آدمای که تعلیمای غلط میدیه، حُکم کنی که اونا ای کارا ره قوی کنه. ^۴ دَ بله ازوا حُکم کُو که دَ قصه های رقم و دَ شجره نامه های دُوردراز تَوَجُه نَکنه، چُون ای چیزا دَ جای ازی که نقشه و کارای خُدا ره پیش بُبره، باعثِ ستیزه و بحث ها موشه. ^۵ لیکن هَدَفِ حُکمِ ازمو، مهر و مُحَبَّتِ آسته که از دِلِ پاک، از وِجدانِ صاف و از ایمانِ خالص سرچشمه میگیره. ^۶ بعضی مردُما ازی چیزا رُوی گردو شُدِه خود ره دَ تورای پُوچ راه گُم کده. ^۷ اونا میخایه که معلمای شریعت بشه، دَ حالیکه هیچ نُموفامه که چی مُوگیه و دَ باره چیزخیل ای رقم بااطمینان گپ میزنه. ^۸ مگم مو میدنی که شریعت خُوب آسته، بشرطی که دَ طریقه صحیح از شی استفاده شنه. ^۹ مو ای ره ام میدنی که شریعت بلده آدم صادق تعیین نَشده،

بلکه برای کسای تعیین شده که شریعت ره میده مونه و

سرکش آسته، بلده خدا ناشناسا و گناهکارا، بلده آدمای ناپاک

و دنیایی، بلده کسای که آته و آبه خو ره قتل مونه و بلده

دیگه آدمکشا،^{۱۰} بلده زناکارا و همجنس بازا، بلده آدم دزا و

دروغگویا و بلده کسای که قسم دروغ موخوره و یا هر رقم

کارای دیگه مونه که د خلاف تعلیم دُرست بشه.^{۱۱} امی تعلیم

دُرست که د مطابق انجیل پُر جلال آسته از طرف خدای مُتبارک

د عهده ازمه ایشته شده.

لُطْفِ خُدا دَ سِرِ پوُلُس

^{۱۲} ما از مسیح عیسی مَولای مو شکرگزار آسْتُم که مَره قُدرت

دَد و وفادار حساب کده لایقِ ازی دید که ما بلده شی خدمت

کنم،^{۱۳} اگرچه دَ زمانِ سابق ما یگ آدمِ کُفرگوی، مردُم آزار و

ظالمِ بُوَدُم، لیکن باوجودِ ازو ام خُدا دَ بله ازمه رَحْم کد،

چراکه بے ایمان بُوَدُم و نَمُوفامیدُم که از جهالت چیز کار مُونم.

^{۱۴} واقعاً، فیضِ مَولای مو بے حد پَریمو قد ایمان و مُحَبَّتِی که

دَ عیسی مسیح وجودِ دَره، دَ ز مه رسید.^{۱۵} ای توره دُرست و

کاملاً قابلِ قبول آسته که مسیح عیسی دَ دُنیا آمد تا گناهکارا

ره نجات بدیه که کلانترین ازوا خود مه آسْتُم.^{۱۶} لیکن امزی

خاطر خُدا د بِلِه ازمه رَحْم کد تا که مسیح عیسی صبر-و-

حَوصِلِه خُوره از پگ کده اوْلتر دَز مه نِشو بَدیه و مَره یگ
نَمونه جور کُنه تا تمام کسای که مَره مینگره دَزو ایمان بیره و
صاحب زندگی اَبدی شنه. ^{۱۷} د خُدا یکتا، دَمزُو پادشاه
جاویدانی، نیست ناشدنی و نایدنی، عَزت و جلال تا
اَبداً اَباد. آمین.

^{۱۸} اَی تِیموتائوس باچه مه، اینمی حُکم ره د مُطابق نَبوت های
که از پیش د باره ازتو گفته شُد، دَزتو میدم تا د وسیله امزُو
تورای نَبوت دَمزی جنگ نیکو مبارزه کنی ^{۱۹} و ایمان و وجدان
پاک خُوره نگاه کنی. چُون بعضی کسا امی چیزا ره رد کد و
ایمان ازوا تَباه شُد، امو رقم که یگ کشتی د طوفان میده
مُوشه. ^{۲۰} هیمینائوس و سِکندر از جُمله امزُو کسا آسته که ما
اونا ره د چنگ شیطو ایله کدم تا که درس عبرت بگیری و دیگه
کُفرگویی نکنه.

هِدایت د باره دُعا و عِبادت

۲ امزی خاطر ما از پگ کده اوْل تاکید مُونم که درخاست

ها، دُعا ها، شفاعت ها و شکرگزاری ها دَ دَرگاہِ خُدا دَ حَقِ
 پَگِ مَرْدُمِ تَقَدِيمِ شُنه، ^۲ دَ حَقِ پادشايو و تمامِ کسای که صَاحِبِ
 اِختيارِ اَسته، تاکه مو بَتَنی دَ صُلاح و اَرامش و دَ کمالِ
 خُدا تَرسی و با اَبَرُو زَندگی خُو ره تیر کُنی. ^۳ اینمی کار دَ نَظَرِ
 خُدا، یعنی نِجاتِ دِهِنده مو، نیک و قابِلِ قَبُولِ اَسته. ^۴ اُو
 میخایه که پَگِ مَرْدُمِ نِجاتِ پَیدا کُنه و حَقِیقتِ ره بُفامه، ^۵ چُون
 خُدا یِگِ اَسته و دَ بَینِ خُدا و اِنسانِ تَنها یِگِ واسِطه و جُودِ دَره
 که اُو شَخصِ مَسِیحِ عِیسی اَسته. ^۶ اُو جانِ خُو ره دَ عِنوانِ
 فِدیهِ بَلدِه تمامِ بَشَرِ دَد. امی خود شی یِگِ شَاهِدی اَسته که دَ
 وختِ مُناسبِ رُخِ دَد. ^۷ و بَلدِه امزی مَنظُورِ ما واعِظ و رَسُول و
 مَعَلِمِ تَعیینِ شُدُم تاکه دَ مِلّتِ هایِ غَیرِ یَهُودِراهِ اِیمان و حَقِیقتِ
 ره بَیانِ کُنم. اینمی توره دروغِ نِبیّه، بَلکِه راسِ اَسته. ^۸ پس،
 آرزویِ مه اینی اَسته که مَرَدِ ها دَ تمامِ جَایا بَدُونِ قار و نِفاقِ
 دِستایِ پاکِ خُو ره بَلندِ کده دُعا کُنه. ^۹ ما امچنانِ میخایم که
 خاتُونو کالایِ مُناسبِ، با حِجاب و با عِزّتِ بُپوشه و خود ره
 قَدِ مویِ پُرِ کَش-و-فَش و یا قَدِ طِلا و مُرواری و کالایِ قِیمَتی
 آرایشِ نَکنه. ^{۱۰} برعکس، خاتُونوی که اِدعایِ خُدا پَرستی
 مونه، بَلدِه ازوا مُناسبِ اَسته که خود ره قَدِ اِعمال و کِرِدارِ
 نیکِ آرایشِ کُنه.

^{۱۱} خاتونو باید د آرامی و د اطاعتِ کاملِ تعلیمِ دینی حاصل
 کنه. ^{۱۲} اجازه نَمیدم که یگ خاتو درس های روحانی بديه و یا
 د بله مرد ها حکمرانی کُنه، بلکه خاتونو باید آرام بشینه.
^{۱۳} عِلَّت ازی حُکم اینمی آسته که خُدا اوّل آدم ره خَلق کد و
 بعد ازو حَوا ره. ^{۱۴} و امچنان، آدم بازی نَخورد، بلکه حَوا بُود
 که از گُفته شیطو بازی خورد و از امرِ خُدا سرپیچی کد.
^{۱۵} اگه خاتونو د ایمان و مُحَبَّت اِدامه بديه و پاک و با حیا بَشه
 اونا د وَسِيلَه زبِدونِ اولاد د ای دُنیا نِجات پيدا مونه.

اخلاقِ سرپرست و خِدمتگارِ جماعتِ ایماندارا

^۱ ^۳ ای توره قابلِ اعتماد آسته: اگه یگو کس شوقِ دَره که
 سرپرستِ جماعتِ شنه، او د آرزوی یگ کارِ خوب آسته. ^۲ پس
 سرپرستِ جماعت باید شخصِ بے عیب و تنها شوی یگ خاتو
 بَشه. او باید آدمِ عقلتُو، خوددار، با آبرو، مهمونواز و معلم
 توانا بَشه. ^۳ او باید شرابخور و جنگره نَبشه، بلکه یگ
 شخصِ مهربو و صلح طلب بَشه، نه پیسه دوست. ^۴ او باید
 خانواده خورِ خوب اداره کُنه و اولادای شی باید قد احترام
 کامل ازو اطاعت کنه. ^۵ چون اگه یگو کس خانواده خود خورِ

اداره كده نَمیتنه، پس چطور مِیتنه كه از جماعتِ ایماندارای
 خُدا نِگاهوانی كُنه؟ ^۶ سرپرستِ جماعت نَباید شخصِ نو ایمان
 بَشه؛ نَشنه كه او مغرور شُده رقمِ شَیطو اَلی محكُوم شُنه.
^۷ علاوه ازی، لازمِه كه دَ نظرِ مردُم خارج از جماعتِ ایماندارا
 نِیکنام بَشه تاكه رسوا نَشنه و دَ دامِ شَیطو گِرِفَتار نَشنه.
^۸ خادِمِ ام باید آدمای مُحترم بَشه، نه دُوروی. اونا از خوردونِ
 شرابِ كَلو و فایده حرام پرهیز كُنه ^۹ و رازِ ایمان ره قد وِجدانِ
 پاك خُو نِگاه كُنه. ^{۱۰} بیلید كه اونا اوّل اِمْتِحانِ شُنه و اگه
 بے عیب بُود، اونا مِیتنه خِدْمَت كُنه. ^{۱۱} خاتُونو ام باید اَبْرُومند
 بَشه، نه چُغل-و-غِیبتگوی، بلكِه اونا خوددار و دَ پگِ كارا
 وفادار بَشه. ^{۱۲} خادِمِ فقط یگ خاتُو دَشْتِه بَشه و بچكیچا و
 خانوادِه خُو ره دَ طَریقِه خُوبِ اداره كُنه. ^{۱۳} خُلاصه، كسای كه
 به حَیثِ خادِمِ خُوبِ خِدْمَت مُونه، اونا یگ درجِه خُوب و مُعْتَبَر
 بَلدِه خُو حاصِلِ مُونه و اِعْتِمادِ ازوا دَ ایمانی كه دَ عِیسی
 مَسِیحِ دَرِه، كَلو موشه. ^{۱۴} امی چیزا ره دَ اُمیدِ ازی بَلدِه تُو
 نِوشتِه مُونم كه دَ زودی دَ پِیش تُو بَییم، ^{۱۵} ولے اگه طال
 خوردُم، تُو موفامی كه مردُم باید چی رقم دَ خانوارِ خُدا رفتار
 كُنه. چُون امی خانوار، جماعتِ ایماندارای خُداي زنده یه،
 یعنی اونا پایه و بُنیادِ حَقِیْقَتِ اَسْتِه.

۱۶ پگ مو موافق آستی که رازِ دین و دینداری مو بزرگ آسته:

اُو دَ شکلِ اِنسانِ ظاهرِ شُد،

روحِ اَلْقُدسِ حَقِیْقَتِ شِی رِه ثابتِ کد

و ملایکه ها اُو رِه دید.

خوشخبری دَ باره شِی دَ بَیْنِ مِلَّتِ ها اِعلانِ شُد

و مرْدُمِ دُنیا دَزُو اِیمانِ اُورِد.

و اَخِرِکارِ اُو دَ بَزُرگی-و-جلالِ دَ عالمِ باله بُرده شُد.

پیشگویی دَ باره دُورِ شُدونِ مرْدُمِ از خُدا

۱۴ روحِ اَلْقُدسِ بَطُوْرِ واضِحِ مُوگه که دَ زمانایِ اَخِرِ بعضی

مرْدُمِ از اِیمانِ خُو دُورِ موره و دَ ارواحِ بازی دِهِنده تَوَجُه کده از

تعلیماتِ جِنیاتِ پیروی مونه. ۲ اِیطورِ تعلیماتِ دَ وسیله

ریاکاری دروغگوبا دَ و جُودِ مییه که وِجدانِ ازوا بے حِس شُد،

مِثِلِ که قد آینِ داغِ سوختنده شُدِه بَشِه. ۳ اونا حتی از توی

خصوصاً نجات دهنده امرو کسای که ایمان دره.

۱۱ ای چیزا ره دزوا حکم کده تعلیم بدی. ۱۲ هیچ کس ره نه ایل که تو ره از خاطر جوانی تو حقیر حساب کنه، بلکه د گفتار، کردار، محبت، ایمان و پاکی بلده ایماندارا یگ الگو بش. ۱۳ تا امدون ازمه خود ره د قرائت کلام مقدس، د تشویق کدو و د تعلیم ددون ایماندارا مشغول کو. ۱۴ نسبت د نعمت روحانی که دز تو وجود دره بپروا نبش، چون ای نعمت د وسیله پیشگویی و قد دست کشیدو د بله از تو توسط بزرگای ایماندارا دز تو دده شد. ۱۵ دمی چیزا کلو زحمت بکش و خود ره وقف ازوا بکو تا که پیشرفت تو بلده پگ معلوم شنه. ۱۶ د فکر خود خو و تعلیم خو بش و د عملی کدون امزی کارا سخت کوشش کو، چون د ای وسیله ام خود خو ره و ام کسای ره که د گفتار از تو گوش میگیره، نجات میدی.

رفتار د مقابل افراد مختلف د جماعت ایماندارا

۵ آدم ریش سفید ره هرگز د تلخی-و-تندی سرزنش نکو، بلکه او ره رقم آته خو آلی د ملایمت نصیحت کو. قد مردای

جوان رقمِ برارای خُو آلی، ^۲ قد خاتُونوی پیر رقمِ آبه خُو آلی و
قد دُخترَوینِ جوانِ رقمِ خوارای خُو آلی دَ پاکی رفتار کُو.

^۳ خاتُونوی بیوه ره که واقِعاً بیوه بَشه، عِزَت کُو. ^۴ و اگه یگ
خاتُونِ بیوه اولادا یا نوسه گو دَشته بَشه، بیل که اوّل اونا
مسئُولیتِ دینی خُو ره دَ جای اُورده حقِ آته و آبه و بابَه کَلونای
خُو ره پُوره کُنه، چراکه ای کار دَ نظرِ خُدا قابلِ قَبُول آسته.
^۵ خاتُونی که واقِعاً بیوه یه و هیچ کسی ره ندره، اُمیدِ اَزو دَ
خُدا یه و او شاو و روز خُو ره دَ راز-و-نیاز و دَ دُعا تیر مونه.
^۶ مگم خاتُونِ بیوه که تسلیمِ عیاشی موشه، حتی اگه زنده ام
بَشه، دَ حقیقتِ او مُرده یه. ^۷ ای چیزا ره دَزوا امر کُو تاکه اونا
از ملامتی دُور بَشه. ^۸ اگه یگو کس ضرورتِ های قومای خُو
ره و خصوصاً ضرورتِ های اعضای خانوادِه خُو ره تهیه نکُنه،
او اصلاً ایمان خُو ره انکار مونه و از یگ شخصِ بے ایمان
کده بدتر آسته. ^۹ خاتُونِ بیوه که سن شی کَلوتر از شصت سال
بَشه و از یگ شوی زیاد نکده بَشه، باید نام شی ثبت شنه.
^{۱۰} علاوه ازی، او باید دَ نیکوکاری معروف بَشه: مثلاً،
بچکیچا ره تربیه کده بَشه، مهمونواز بُوده بَشه، پایای
ایماندارا ره شُشته بَشه و دَ یاری بے چاره گو رسیده بَشه.

خُلاصه، اُو باید دَ هر کارِ نیک عمل کده بَشه. ^{۱۱} لیکن نامِ خاتونوی بیوه جوان ره نوشته نَکو، چُون وختی خواهشاتِ نَفسانی ازوا اونا ره از مسیح دُور کُنه، اونا خواهشِ توی کدو ره مونه. ^{۱۲} اوخته قد ازی کار خُو اونا پیمانِ اوّلی خُو ره قد مسیح میده مونه و ملامتِ موشه. ^{۱۳} علاوه ازی، اونا بے کاری و ثمبلی ره یاد میگیره و خانه دَ خانه میگرده؛ اونا نَه تنها بے کاره و ثمبل موشه، بلکه دُوآنداز و چُغول ام موشه و چیزای ره مَوگیه که نَباید بُگیه. ^{۱۴} ازی خاطر ما خواهشِ مُونم که بیوه های جوان دُوباره شوی کُنه و صاحبِ بچکیچا شده دَ خانداری مشغول شنه و بلده دُشمو مَوقع ملامتِ کدو ره ندیه. ^{۱۵} چُون بَعضی از خاتونوی بیوه پیش ازی ام گمراه شده و از پُشتِ شیطو رفته. ^{۱۶} اگه یگو خاتونِ ایماندار دَ منِه قومای خُو بیوه ها دَشته بَشه، بیل که خود شی اونا ره یاری بدیه تاکه اونا بارِ دوشِ جماعتِ ایماندارا نَشنه. دَزی رقمِ جماعتِ ایماندارا میتنه دَ بیوه های واقعی کومک کُنه.

رفتار قد بزرگای جماعت

^{۱۷} بزرگای که کارای جماعت ره دَ خوبی پیش موبره، خصوصاً اونا ی که دَ وَعظ و تعلیمِ کلام زحمت میکشه، مُستحقِ دُو

برابر احترام بشه. ^{۱۸} چُون نُوشته های مُقَدَّس مُوگيه: ”دانِ گاو
 ره دَ غَيْتِ جُغُول کدو بسته نَکُو.“ و امچنان مُوگيه: ”کارگر
 حقدارِ مُزد خُو آسته.“ ^{۱۹} ”هیچ تَهْمَت ره دَ ضِدِ یگو بزرگ
 جماعت قَبُول نَکُو، سِوای که دَ وَسِيلَه دُو یا سِه شاهد تاپید
 شنه.“ ^{۲۰} لیکن اُونای ره که دَ گُناه خُو اِدامه میدیه، دَ پِیشِ پگ
 سرزَنش کُو تاکه دِیگرو عِبْرَت گِرِفْتَه ترس بُوخوره. ^{۲۱} دَ حُضُورِ
 خُدا و مَسِيح عِيسَى و ملايکه های اِنْتِخاب شُدِه، تُو ره قَسَم
 مِیْدُم که ای دِستُورا ره بِدُونِ تَعْصَب-و-تَبْعِيض اِجرا کُو و هِیچ
 کاری ره از رُوی طرفداری نَکُو.

^{۲۲} دَ دِست کَشیدو بِلَه کس عَجَلَه نَکُو و دَ گُناهای دِیگرو ام
 شَرِیک نَشُو. خود ره پاک نِگاه کُو. ^{۲۳} امچنان، تنها آو وُچی
 نَکُو، بَلکِه از خَاطِرِ کُورِه خُو و از خَاطِرِ نَاجوربای که اَکثَر
 وخت دَری، یگ کَمک وَری شَرابِ اَنگُور ام وُچی کُو.

^{۲۴} گُناهای بَعْضی کِسا امی آلی معلومدار آسته و اونا ره سُون
 جَزا مِیکشَنه، ولِه گُناه های بَعْضی کِسای دِیگه پِسان بَرَمَلا
 مُوشه. ^{۲۵} امی رقم اَعْمالِ نِیک ام معلومدار آسته و حتی اگه
 آلی بَرَمَلا نَبشه، اونا نَمِیتنه بَلدِه همیشه تاشه بُمَنه.

نصیحت دَ غلاما و بادار ها

۶^۱ او کسای که دَ تَی یوغِ غلامی آسته، بیلید که آربابای خوره لایقِ احترامِ کاملِ بدنه تا هیچ کس دَ باره نامِ خدا و تعلیمِ مسیح بدگویی نکنه. ^۲ غلامای که آربابای ایماندار دَره نباید دَ دلیلِ ازی که برارِ دینی شی آسته، دَزوا بے احترامی کنه، بلکه اونا باید خوبتر خدمت کنه، چون او کسای که از خدمتِ ازوا فایده میگیره، مومِن و عزیزِ ازوا آسته.

نصیحت دَ باره تعلیمِ غلط و ثروتِ حقیقی

ای چیز ره تعلیمِ بدی و دَ باره شی تاکید کو. ^۳ اگه کسی یگو تعلیمِ دیگه بدیه و تعلیمِ شی قد تورای صالحِ مولای مو عیسیٰ مسیح و قد تعلیمِ دینداری سم نه یه، ^۴ او شخص خود پسند آسته و هیچ چیز ره نموفامه. برعکس، ای رقم آدم علاقہ ناسالم دَ جر-و-بحث کدو و جنجال کدو دَ باره کلمه ها دَره که نتیجه شی تنگچشمی، سیالداری، دو-و-دشنام و بدگمانی آسته. ^۵ ایطور نفرا دَ بین خو همیشه اختلافِ نظر دَره و فکرِ ازوا فاسد شده. اونا از حقیقت دُور آسته و گمان مونه که دینداری یگ وسیله بلده منافعِ پولی آسته. ^۶ دَ حقیقت،

دینداری که قد قِنَاعَتِ قَتی بَشَه، یِگ مَنبِع کِثَه مَنافع اَسْتَه.
 ۷ ازی که مو هیچ چیز ره قد خُو دَ ای دُنیا نَه اُوردی، ای ام
 ثابِت اَسْتَه که مو هیچ چیز ره ازی دُنیا قد خُو بُرده نَمیتَنی.
 ۸ پس اگه مو خوراک و پوشاک دَری، دَمزُو باید قِنَاعَتِ کَنی.
 ۹ مگم اُونای که میخایه پُولدار شُنه، دَ وَسَوَسَه و دَ دام
 آرزوهای بے فایده و نُقصان دِه گِرِفْتار مُوشه که آدما ره سُون
 تباهی و نابودی مُوبَرَه. ۱۰ پُول دوستی سرچشمه هر رقم بدی
 اَسْتَه و بَعضی کسای که دِل شی پِیسَه ره تَلُوس کده، اونا از
 ایمان دُور شُدَه و خود ره قد دَرَد و رَنج های کَلو گِرِفْتار کده.
 ۱۱ لیکن تُو، ای تِیموتائوس بنده خُدا، ازی چیزا دُوتا کُو. دَ
 دُمبالِ راستی، خُداپرستی، ایمان، مُحَبَّت، صَبِر و نَرَمی
 بَگَرَدُو. ۱۲ دَ مُسَابِقَه بُزُرگِ ایمان زَحمتِ بَکَش و زِندگی اَبَدی
 ره محکم بَگیر، چُون خُدا تُو ره بَلدَه امزی مقصد کُوی کده و
 تُو ام دَ پیشِ شَاهِدای کَلو دَ ایمان خُو اِقْرار کدی.

نصیحتِ خاصِ پوئس بَلدَه تِیموتائوس

۱۳ دَ حُضُورِ خُدا که پگ ره زِندگی مِیدیه و عِیسیٰ مَسِیح که دَ
 مُقَابِلِ پُنطیوس پِیلاَتُس شَاهِدی نِیکو دَد، ما تُو ره وِظِیفَه
 مِیدِیم ۱۴ که ای حُکم ره بَدُونِ کَمی-و-کاستی و بَدُونِ مَلامتی

تا روزی که مَولای مو عیسیٰ مسیح ظهَور مونه، نِگاه کُنی.

^{۱۵} خُدای مُتَبَارَک، یکتا و قَادِرِ مُطَلَق

که شاهِ شاهان و رَب-الارباب اَسته،

اُمُو واقِعهُ رِه دَ زَمَانِ مُعینِ شِی پُورهُ مُونه.

^{۱۶} تَنها اُو اَسته که هِرگِز از بَینِ نَمورهُ

و دَ ای رِقْمِ نُورِ و جُودِ دَره

که هِیچ کَس نَمِیتنهُ دَز شِی نَزدِیکِ شُنه.

هِیچ اِنسان اُو رِه نَدیده و ام نَمِیتنهُ اُو رِه بِنگره.

عِزَت و قُدْرَت تا اَبَدُالاباد اَزو باد. آمین.

^{۱۷} دَ سِرْمایه دارای ازی دُنیا حُکْم کُو که مَغْرُور نَبشه و دَ مال-

و-دَوْلَتِ که دایمی نِییه، تَوکُلِ نَکُنه، بَلکِه دَ خُدای اُمید دَشته

بَشه که هِر چِیز رِه دَ سَخاوتَمندی دَز مو مَوْبَخشه تاکه مو ازوا

لِذَتِ بُبری. ^{۱۸} دَزوا اَمْر کُو که خُوبی کُنه و دَ کارای نِیک غَنی

بَشَه، دِسْتِ وَاز دَشْتَه بَشَه وَاز سِرْمَايَه خُو دَ دِيْگَرُو بَخْشِش
کَنَه. ^{۱۹} دَزِي طَرِيْقَه اَوْنَا بَلْدَه خُو يِگ گَنْج ذَخِيْرَه مُوْنَه کَه يِگ
بُنْيَادِ مَحْکَم بَلْدَه اَيْنِدَه اَزْوَا اَسْتَه وَاوْنَا صَاْحِبِ اَزُو زَنْدَگِي
مُوشَه کَه زَنْدَگِي وَاقَعِي اَسْتَه.

^{۲۰} اَي تِيْمُوْتَاوْس، اَمِي اَحْکَام رَه رَقْمِ يِگ اَمَانْتِ مَحْفُوْظ نِيْگَا
کُو. اَز اَيْلَه گُوْبِي وَا مُبَاْحِثَاتِي کَه بَطُوْرِ غَلَطِ دَ نَامِ «دَانِش» يَاد
مُوشَه، دُوْرِي کُو، ^{۲۱} چُوْن بَعْضِي کَسَاي کَه خُوْد رَه دَ اِي چِيْزَا
مُتَخَصِّصِ مِيْدَنْسْت اَز اِيْمَان دُوْر شُد. فَيِض وَا سَلَامَتِي نَصِيْبِ
يِگ شُمُو شُنَه. اَمِيْن.